

至秋收穀吉熹發城郭諸國兵萬餘人自與所將田士  
千五百人共擊車師攻交河城破之王尙在其北石城  
中未得會軍食盡吉等且罷兵歸渠犁田收秋畢復發  
兵攻車師王於石城王聞漢兵且至北走匈奴求救匈  
奴未爲發兵王來還與貴人蘇猶議欲降漢恐不見信  
蘇猶教王擊匈奴邊國小蒲類斬首略其人民以降吉  
車師旁小金附國隨漢軍後盜車師車師王復自請擊  
破金附匈奴聞車師降漢發兵攻車師吉熹引兵北逢  
之匈奴不敢前吉熹卽留一候與卒二十人留守王吉  
等引兵歸渠犁車師王恐匈奴兵復至而見殺也迺輕